



# Interpellaziun

## Sclariments pertuccont la munconza da habitaziuns

Il svilup sin il sector da habitaziuns dils davon onns ha gia menau oz tier ina considerabla munconza da spazi da habitar per persunas indigenas, resp. empremas habitaziuns. Aschibein la cumpra sco era l'affittaziun da spazi da habitar pagabel ei vegniu tier in bein fetg scart. Il svilup planisau en nossa regiun cun il niev Hotel Acla da Fontauna e cun il niev ressort a Dieni vegn aunc ad engrevegiar quella situaziun marcantamein. Quei surtut entras ils collaboraturs da quellas novas purschidas che drovan spazi da viver en nossa regiun. Era interpresas existentas sco la Distec SA ni era autras interpresas han dau d'entellir, ch'els anflien buca habitaziuns per lur collaboraturs.

Per saver impedir problems pli gronds en connex cun la munconza da spazi da habitar pagabel, e muort la munconza da terren adattau per surbaghegiadas pli grondas enteifer las zonas da baghegiar actualas, duess la vischnaunca far il pusseivel per possibilitar dad ereger novas habitaziuns en nossa regiun.

Perquei lessel supplicar la suprastanza communal da:

- Sclarir las pusseivladads per enzonaziuns concernent projects da baghegiar che levgeschan la situaziun da munconza da spazi da habitar. (p. ex. parcella 900 Carcarola)
- Intercurir pusseivladads novas ni existentas per ereger habitaziuns novas enteifer nossa vischnaunca.
- Sclarir las pusseivladads da cooperaziun dalla vischnaunca sco purtadra da projects da baghegiar (fundaziun, societad da capital, eav). Exempels persunter ein gia vegni realisai p.ex. en Engiadina.

Bien engraziament.

Igl interpellant:

*Roland Cajacob, cusseglier communal*